

# SHOKA U NA OKUNINGA UUNA OMUNTU GWONTUMBA A HULITHA PO OKUFUTA OSAPOTA



He ya Sam okwa hulitha  
po okufuta osapota.  
Otandi ningi ngiini?

Ohofa oye mu pe elombwelo  
a fute osapota. Uuna a  
hulitha po okufuta osapota,  
nena okwa pogola/yon.

Okwi ihula okufuta  
osapota konima  
yomvula yimwe.  
Onda tokelwa unene  
okushuna kohofa?

Owa li wu na okushuna ko  
ashike konima yomasiku  
omulongo sho a tameke  
ihaa futu we osapota.  
Ashike natango oto vulu  
okushuna ko ngashingezi.  
Ino pumbwa nando  
omukalelipo/omutseyiveta.

Otandi yi ongula  
kohofa. Oshi li onda  
pumbwa unene  
iiimaliwa yosapota opo  
ndi sile nawa Sam  
oshimpwiyu.

## OMUNAMBELEWA

Owu na okunyola omushangwahokololo ngoka tagu popi kutya iimaliwa ingapi inayi futwa. Owu na wo okugandja uuyelele kehe u na sha neliko lyajohn nenge mpoka ha longele tapu vulu okukwatha Mangestrata/Omupanguli opo a tokole shoka e na okuninga. Onga oshiholelwa, John oha longo? Ou shi ngele John oku na sha (okwa likola sha) shongushu?

Kandi na ontseyo yasha kombinga yeliko lyé, ashike ondi shi kutya oha longo natango piilonga ye mpo a kala ha longo nale. Ondu uva wo kutya omvula ya zi ko, okwa gandja omapunda kaakiintu yatatu ya yooloka!

Shoka otashi ti oku na okufuta oosapota dhuunona auhe. Oku na okulongitha ondjambi ye ayihe opo a fute oosapota dhuunona we, omanga inaa longitha po nando oshimaliwa shimwe miinima ye yopaumwene. limaliwa ingapi inaayi futwa?

John okwa li e na okufuta oo-N\$300 omwedhi kehe. Okwe etha okufuta osapota muule woomwedhi omulongo nambali dha piti. Tashi ti oku na oondjo dhoo-N\$3600.

Opu na omikalo odhindji okumona iimaliwa okuza komuntu ngoka ihaa futu we osapota. Atuheni otatu ka tokola shoka shi li mondjila monkalo ndjika notatu ningi omushangwahokololo opo tu gu gandje kOmupanguli.

Inatu pumbwa epitikilo lyajohn moonkatu adhihe ndhika, nonando ota vulu okuya kohofa opo a pule omukalo gulwe gwelongithonkondo ngele okwa hala. Ota vulu wo a pule ye mwene pu ningwe elunduluko moveta yosapota ngele onkalo ye oya lunduluka okuza sho ohofa ye mu pe elombwelo.

- Ohofa otayi vulu okugandja elombwelo komugandjigwillonga yaJohn opo yi kuthe mo iimaliwa yosapota mbyoka inaa futa MONDJAMBI ye, e taye yi ku tumine paukililo.
- Ohofa otayi vulu okugandja elombwelo kutya ELIKO lyajohn nali landithwe po opo oondjo dhosapota ndhoka inaa futa dhi futwe.
- Ngele opu na gumwe e na oondjo dhajohn, ohofa otayi vulu okugandja elombwelo kutya OONDJO ndhoka odhi na okufutwa kungoye opo dhi futile po oondjo ndhi e na dhosapota.
- Ngele John oha kwata OPENZELA nenge e na omauwawawa gontumba, ohofa otayi vulu okugandja elombwelo kutya oondjo ndhoka e na nadhi kuthwe mo miimaliwa mbyoka e to yi pewa.

Osha yela kutya John ke shi omwiinekelwa gwashili mokufuta osapota. limaliwa oy na okukuthwa kondjambi ye. Omunambelewa gwomohofa ota gandja elombwelo kiilonga ye muule womasiku gaheyali tali ti kutya oshitopolwa shimwe shondjambi yaJohn oshi na okutumwa kungoye.

MANGESTRATA

Shike? limaliwa yandje tayi kuthwa ko kondjambi yandje yi fute osapota yaSam. Oshihwepo ndi popye naakadhona yandje.

Oveta yosapota otayi ti kutya aavalí ayehe oye na oshinakugwanithwa shokusila oshimpwiyu okamwana. Shoka otashi ti ngame nangoye atuhe otu na okukwathela okanona.

Ondi ku hole ashike itandi vulu oku ku pa nando iimaliwa yosapota yokanona.

Ondi ku hole ashike itandi vulu nando oku ku pa iimaliwa yosapota yokanona.

Ongweye he yokanona, haka. Ou na oshinakugwanithwa shopaveta okusopota okanona haka. Oho longo, nokapu na omaipopilo gasha.

Ondi ku hole, ashike itandi vulu nando oku ku pa iimaliwa yosapota yokanona.

Onda pumbwa okuya kohofa kOmbelewa yOsapota yUunona opo ndi ka mone omunambelewa kombinga yaashika.

Molwashoka inatu hokana, itashi ti kutya oto vulu okudhimbwa okanona haka. Uunona auhe ou na uuthemba wokupewa iimaliwa yosapota.

Itandi vulu oku ku futa oo-N\$3600 kwa  
gwedhwa iihohela kungweye! Ngashingezi ondi  
na uunona owindji tandi wu sile oshimpwiyu.

Sam okwa pumbwa  
iimaliwa mbika, John.

Itandi  
futu!!

Okwaahafuta  
osapota nopwaa  
na omatompelo  
omawanawa osho  
eyono. Egeelo olyo  
oo-N\$4000 nenge  
uule woomwedhi  
omulongo nambali  
mondholongo!

Ashike otandi ka ninga  
he yuunona une mbala!

Tashi ti iimaliwa mbi ho mono otayi ka topolelwa uunona  
awuhe une. limaliwa yuunona oyi na okukala ya futwa omanga  
inoo ka landa ohauto yoye ompe nenge oonguwo dhoye.

Owu na oshinakugwanithwa shokusapota uunona woye awuhe. Owu na okufuta oondjo dhaSara kashona nakashona mokufuta iimaliwa oyindji yi vule pwaa mbi wa li ho futu nale. Owu na okufuta oo-N\$400 omwedhi kehe sigo oondjo dhoye adhihe we dhi futu. Otayi kala hayi kuthwa kondjambi yoye opo tu kwashilipalekwe kutya owa futa. Owu na wo okusapota uunona woye wulwe/uukwawo.



Ondi ilonga  
oshilongwa  
sha simana  
nena,  
ondi na  
okusapota  
okanona  
kehe ndi na.



OWU NA ...

... EPULO?  
... EGWEDHELOPO?

Ninga ekwatathano naTSE!

Email: GR&AP@lac.org.na

Fax: 088-613693

Post: P.O. Box 604 Windhoek

Otwa hala okuuva eyamukulo tali zi  
kungoye kombinga yokatuuna ndjika.

**AALUMENTU,  
KALENI MU NA  
OSHINAKUGWANITHWA  
SHOMALUVALO GENI!**



**OSAPOTA** oyo iimaliwa nenge iinima mbyoka omuntu a peva oshinakugwanithwa paveta opo a gandje ekwatho kuunona we nenge kaantu yalwe mboka ha sile oshimpwiyu. Osapota aluhe ohayi futu omakwathelo gopetameko monkalamwenyo ngaashi ehala lyokukala, iikulya, oonguwo, omitinofuto yosikola.

Okatuuna ndjika oya longekidhw a opo yi yelithe shoka wu na okuninga uuna omuntu ngoka e na okufuta osapota e li kohi yoveta yosapota a hulitha po okufuta osapota. Okatuuna oya yelitha oveta nokulongitha oshiholelwa shaSam naavalie ye, Sara naJohn.

**OMUYAMBIDHIDHWA/OMUSILWASHIMPWIYU:** Omuntu gwontumba ngoka ha hupile meyambidhidho lyomuntu gulwe opo a hupe. Uunona ohawu hupile maavali yawo.

**OMUNYENYETI:** Omuntu ngoka a ninga eindilo lyopaveta lyosapota.

**OMUTAMANEKWA:** Omuntu ngoka a peva elombwelwa lyopaveta opo a fute osapota.

Ehokololo:  
**RACHEL COOMER**

Omafano, Omutholomo netulomelandulathano:  
**DUDLEY VIALL & PERRI CAPLAN**

Omukonakonununi gwoproyeka:  
**DIANNE HUBBARD**

Omukwatheli:  
**DUTCH MINISTRY OF FOREIGN AFFAIRS,  
MDG3 FUND**

Omunyanyangidhi:  
**JOHN MEINERT PRINTING (PTY) LTD**

Omuholokithimambo:  
**GENDER RESEARCH & ADVOCACY PROJECT,  
LEGAL ASSISTANCE CENTRE, 2010**

Okatuuna ndjika oya pitikwa okwiindjipalekwa nomalalakano ge na sha nelongo, shampa ashike onzo ya tseyithilwa.

Oshitopolwa sha nyanyangidhw a shoka haka osha nyolwa momutholomolue Iwo-Acrobat (PDF) notashi adhika ko-website ya-LAC: [www.lac.org.na](http://www.lac.org.na)

